



सानसेयारि **“बड’सा”** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल’, स्ल’बाथा आरो दावबायारि थावनि, पार्क
बाइदिनि स्मायाव लिन्नाय लिन्दिदां दैथाय हर्/
सानसेयारि **“बड’सा”** ख्रीर्लाइया स्वेबस्त्रानावै
फोस्वावगेन/
बड’सायाव लिन्दिन्नायनि हुदा खालाम,
“बड’सा” ख्री नोथां, जों बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 4 May, 2025 Kokrajhar, BTC, Assam ★ Vol.- 35, Issue No. 39 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

जोबथा थांखि लानानै पाकिस्तानखौ गोख्रों सांग्रांथि होदों गाहाइ मन्थिआ

एएनआइ, गोदान दिल्ली, 3
मे: पेहेलगामआव उतखारि
गाग्लोबनायनि उनाव गाहाइ
मन्थि नरेन्द्र मदिआ
उतखारिफोरखौ फोजोबस्त्रांनो
थाखाय भारतआरि सान्थि
हान्जानो उदां थांखि लानो
मोन्थाय होदों। गाहाइ मन्थि
मदिआ मुलुगानाडैनो मिबधि
होदोंदि-पेहेलगाम उतखारि
(□ 6 बिलाइआव)



सरुपेतानि आर्यभत्त एकाडेमिनि लांगोनायाव लांदां बिहु फोर्बो खुंदों



भवानिपुर, 3 मे: सरुपेतानि गोजौ थाखोनि गावआरि खोन्देनि
सोलोंथाइ फर्सथान आर्यभत्त एकाडेमि सिनियर सेकेन्डारि
फरायसालिनि लांगोनायाव आर्यभत्त एकाडेमिक ससाइटिनि
बान्जायनायाव दिने सानसेनि हाबाफारिजों आसामनि आंगेनि रडलि
बिहु फोर्बोखौ फालिनाय जादों। मख 'नो गोनांदि, आर्यभत्त
एकाडेमि सिनियर सेकेन्डारि फरायसालिनि लांगोनायाव खुंजानाय
रडलि बिहुआव बिहु मोसानाय (□ 6 बिलाइआव)

मुसलपुरआव मावफुं सोद्रोमा एबा इउ पि पि एल दोलोनि बुंथिगिरि राकेश ब्रह्मनि खौरां मेल

प्रमद बर 'नि दैदेन्नायाव बि टि आरआव गासैबो बिथिंआव सोलायनाय आरो जौगानाय फैदों

मुसलपुर, 3 मे: बाक्सा जिल्ला
सदर मुसलपुरनि गावनि थाग्रा
देरायाव बि टि सि सरकारनि
मावफुं सोद्रोमा एबा इउ पि पि
एल दोलोनि बुंथिगिरि राकेश
ब्रह्मआ शुकुबारनि मोनायाव
मोनसे खौरांगिरि मेल
लेंथुमदोंमोन। बे खौरां मेलआव
बिथाड बर 'नि बिफा बड'फानि
मुडव हादरनि राजथावनि
गोदान दिल्लीआव 1 मे
खालारआव लामा बेखेवनायनि
थाखाय भारत सरकार आरो
आसामनि गिबि मन्थि ड
हिमन्त बिश्व शर्मा आरो बि
टि आरनि गाहाइ मावफुं सोद्रोमा
प्रमद बर 'खौ साबायखर बावो।



बेनि उनाव इउपिपिएलनि
बुंथिगिरि बिथाड फोरमायो दि,
बिटिआरआव गाहाइ मावफुं
सोद्रोमा प्रमद बर 'नि सान-हर

गोख्रों खामानि मावनायजों
बड'लेण्ड हालामआव
सोलोंथाइनि फारसे गोख्रों
(□ 6 बिलाइआव)

आइएमडिनि सांग्रांथि: हादतनि माखासे राइज्योफोराव गोख्रों बार-अखा हागोन



गोदान दिल्ली, 3 मे: हादतनि
माखासे राइज्यो आरो
ओन्सोलफोराव दासान्दि गोसा

सान्दुं हुंनायनि जाउनाव
सुबुंफोरनि बाइजोआव
ओखारनाय आरो दावबायनाया

बाडाइ जालांनायखौ नुनो
मोन्नाय जादों। सानजौनायजों
लोगोसे बिदुं हुंनाया
बारयदोंब्लाबो फुबिल आरो
मोनाबिलि समआव सुदेम
बोथोरनि मोन्दांथिबो लानो हादों
सुबुंफोरा। बे समनि गेजेराव
भारतनि बोथोर बिगियान
बिफानआ भारतनि माखासे
ओन्सोलफोराव गिख्थाव
बारहुंखा, सारअन्थाय गावनाय,
(□ 6 बिलाइआव)

बानुगाव गामि सोलोंथाइ जौगाखां आफादआ गामिनि मेट्रिक आरो हायार सेकेन्डारि आन्जादआव उथिसार जानाय फरायसाफोरखौ बरायदों

कक्राझार, 3 मे: बानुगाव
गामि सोलोंथाइ जौगाखां
आफादआ गामिनि मेट्रिक आरो
हायार सेकेन्डारि आन्जादआव
उथिसार जानाय फरायसाफोरखौ
थुलुंगाखां होनो थाखाय दिने 3
मे अक्टआव मेहेर गोनां
हाबाफारि खुडे आरो बे
हाबाफारियाव फरायसाफोरनि
थुलुंगा लोगोसे साहित्य
अकादेमी बान्था मोनगिरि ड
अजित बर 'खौ गाहाइ आलासि



महरै हांखायहरो। हाबाफारियाव
बाहागो लानानै ड अजित
बर 'आ फरायसाफोरनो बोसोन
होयोदि, बे थरथिसे जिउखौ
थानानै थानो थाखाय बिजाब
फरयनांगोन अब्लानो
बुहुमखौबो नायनो हागोन।
जिउ थासान्दिनायवोनो
सोलोंनांगोन आरो रंजानांगोन
मानोनो थैनाथे थाडेब्ला फंसेबो
रावखौनो बुनो खाबु मोन्नाय
(□ 6 बिलाइआव)

बारग ' केबिनेट मन्थि रुंसारि चुम रंहांनि सेथि थैनाय सान फालिदों

'सार एजां चुम रंहां' मुंनि बिजाब बेखेवदों

हावराघाट, 3 मे: कार्बि आलं
जिल्लानि रजाफोथारआव दिने
शनिबारखालि कार्बि आलं
अट'नमास काउन्सिलनि गाहाइ
मावफुं सोद्रोमा आरो आसाम
सरकारनि बारग 'केबिनेट मन्थि
रुंसारि चुम रंहांनि सेथि थैनाय
बोसोरारि सानखौ लोब्बा लानानै
'सार एजां चुम रंहां' मुंनि
बिजाबखौ नगाव एडिपि
कलेजनि बिबुंगिरि, थुनलाइगिरि
जिबन नरहा बेखेवना होयो।
फार्सेथि मुंदांखा लिरगिरि,
थुनलाइगिरि भब' प्रशाद
देउरिआ जिउ जारिमिननि
बिजाबखौ सुजुगिरि महरै



सुजुनानै दिहुनाय बिजाबखौ
बेखेवनानै खन्थाइगिरि-
थुनलाइगिरि जिबन नरहा चुम
रंहांनि जिउनि सोमोन्दै बिबुंथि
होनानै चुम रंहांखौ सासे मोजां
सुबुंमोन होन्ना मख 'दों। बेनि
अनगायैबो चुम रंहांआ सासे

हारिमु अन्साइगिरि मावफारिया
आरो सासे आरिमुगिरि, बेनि
(□ 6 बिलाइआव)

गसाइगावआव फुटबल रेफारिनि जिल्ला थाखोनि बा साननाडै फोरोंथाइ हाबाफारिया थुंगेबाय

गसाइगाव, 3 मे: कक्राझार
जिल्लानि गसाइगावआव थानाय
29 एप्रिलनिफ्राय बा साननि
हाबाफारिजों खुंनाय थामथि
जिल्ला थाखोनि फुटबल रेफारि
सावराय जथुम आरो फोरोंथाइ
होनाय बादाय दिने जाफुंसारे
थुंगेबाय। गसाइगाव जिल्ला
गेलमु आफादिनि रेफारि बर्डनि
बान्जायनायाव खुंनाय रेफारि
फोरोंथाइ बादायव
एआइएफएफनि नर्थ-इस्ट जनेल
रेफारि डेभेलपमेन्ट अफिसार
जयचन्द्र सिंआ गाहाइ कच



(फोरोंगिरि) महरै बाहागो
लाफेदों। कक्राझार जिल्लानि
गासै 60 जाखांफु नाय
रेफारिफोरनि गेजेराव बे खेबआव
साब्रे आइजो रेफारिफोर बाहागो

लाफैनायनि बाश्त्राखौ बान्जाय
आफादआ मिबथि होदों।
जयचन्द्र सिंआ बादायव
बाहागो लाफैनायफोरनि गेजेराव
(□ 6 बिलाइआव)

कालदिया जिल्ला परिषद बियाबआव कंग्रेसनि बिजाथि इस्माइल हुसेनआ बिसायख 'थि फोसावदिंदों

भवानिपुर, 3 मे: बरपेटा
जिल्लानि सिडाव थानाय
कालदिया जिल्ला परिषद
बियाबआव कंग्रेसनि बिजाथि
इस्माइल हुसेनआ दिने माखासे
हेफाजाबगिरिफोरखौ लानानै
बिसायख 'थि फोसावनाय
हाबाफारिखौ गोख्रों खालामदों।
मख 'नो गोनांदि, सरुकेत्रि
बिधान सभा बियाबनि
एमएलए आरो आसाम प्रदेश
कंग्रेस कमिटिनि मावफुं
आफादगिरि जाखिर हुसेन
शिकदारआबो बिजाथि इस्माइल
हुसेनखौ हेफाजाब होनानै
कालदिया जिल्ला गौथुम
बियाबनि गुबुन गुबुन
जायगायाव गोख्रोंथारे पन्चायत
बिसायख 'थिखौ लानानै
फोसावदिंदों। कालदिया जिल्ला
परिषद बियाबनि सिडाव थानाय
भेराभिताआव बिसायख 'थि



फोसावदिनाय मेलआव
कंग्रेसनि बिजाथि हुसेनआ
गावनि बिबुंथियाव बुंदोंदि,
'बिजेपि-अगप' जुथाइ दोलो
आरो एआइइडिफ मोनैबो
हान्जायानो हारियारि दावराव-
दावसि जानायनि थाखाय
राजखान्थि खालामगसिनो दड।
एआइइडिफ दोलोआ
बिजेपिनि अक्सिजेनआव थानानै
दड। थानाय लकसभा

बिसायख 'थियाव आरो बे
खेबनि पन्चायत
बिसायख 'थियाव बो
एआइइडिफ दोलोआ
बिजेपिनि रंजों बिसायख 'थि
गेलेंदों। बे खेबआव पन्चायत
बिसायख 'थियाव माखासे
दैदेनगिरिफोर थानाय
एआइइडिफ दोलोनि
बिजाथिफोरजों थाला साबिनि
सिनायथि सावगारि थानाय बेनार

आरो पस्टारनि अनगायै गुबुन
जायखि-जाया सुबुंफोरनि
हेफाजाब गैया। एआइइडिफ
दोलोआ माब्लानो सिलिंखार
जाबाय। बे खेबनि पन्चायत
बिसायख 'थियाव लाथिख'
फि थाइनि उनावनो
एआइइडिफ दोलोआ आबुडे
सिलिंखार जाबाय। बे खेबनि
पन्चायत बिसायख 'थिनि
(□ 6 बिलाइआव)

नीट-इउजि 2024 आव बेले-बेजे खालामनाय सा 26 एमबिबिएस फरायसाफोरखौ सारपेन्ड, सा 14 फरायसाफोरनि एडमिसनखौ बोखारनाय जादों

पिटिआइ, गोदान दिल्ली, 3
मे: रास्ट्रीय आयुर्बिगियान आयग
(एनएमसी) आ नीट-इउजि
2024 आव गेना लामाजों
आन्जाद होनायनि हमजानाय सा
26 एमबिबिएस फरायसाफोरखौ
गोख्रेंनो होखारनो बिथोन होनाय
जादों आरो एन्ट्रेन्स आन्जादनि
समआव गेना हाबा मावनायनि
सोलोंथाय बोसोर 2024-25
नि थाखाय सा 14
फरायसाफोरनि सोलोंथाय
लानायखौबो होबथानाय जायो।
मा हा रियारि



गनायथिजों लोगोसे एन्ट्रेन्स
आन्जाद (नीट) आ अल

इन्डिया नीट आन्जाद, जायनि
हेफाजाबै हादतनि मेडिकल

कलेजफोराव एडमिशन मोन्नो
गोसो गुदु बिजाथिफोरा बाहागो

लायो। नीट-इउजि 2024
आन्जाद सोंथि लाइ लीक
जानायव माखासे एजेन्सिफोरजों
बेनि संदानाय नायसंनय बादिथै
एनटीए आ बाहायनाडै
आदोबजों आन्जाद लिस्नायाव
लोब्बा थानाय आरो सा 42
बिजाथिखौ बोसोरथाम फारियै
2024, 2025, 2026 नि
थाखाय एन्ट्रेन्स आन्जाद लिस्नो
मोनैनि होबथानाय फोसावदों।
बेनि अनगायैबो सा
9 बिजाथिफोरखौ 2025 आरो
(□ 6 बिलाइआव)

सुजुगिरिनि खोलोम

मिथिंगाया सोमखौरै थायोब्लासो

जिब जुनातआबो थागोन

बुहुमाव जिब जुनात थानानै थानायाव मिथिंगाया सान्त्र' हायै, मिथिस' हायै सोमोनांथाव निदान सुंबोदों आरो सुंगासिनो थानाय नुनो मोनो। ईशोरा सोरजिनाय गासिबो दंफा-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा दावसा, एम्फौ-एनलाफ्रा देलाइश्री बुहुमखौं समाय होनायजों लोगोसे जिब जुनात थानानै थानायाव अनजिमा गैयै हेफाजाब होबोदों। मिथिस' हायै जुगआवनो बुहुमाव गोनां जिरातखौं ईशोरा सोरजिनानै होखादोंमोन। नाथाय ईशोरा सोरजिनाय माखासे जिब जुनात दंफां लाइफांफ्रा मानसिनि इनाय अनागागियावनो जादों, जुगनि सोलायबोनाय बोथोरनि थाखाय जादों, एबा थानो जायगा जेबनायनि थाखाय जादों। बुहुमनिफ्राय लासै लासै गोमोर लांनो हमदों। ईशोरा माखासे सोरजिनाय जिरातफ्रा गोमाबोनाया जिब जुनात थानानै थानायाव गोगोम खहा जानो हागौ। मानोना ईशोरा गासिखौंबो गोनां सान्नानै सोरजिखादोंमोन। मोनसे नडाब्ला मोनसेया थानानै थानाया गोब्राव।

गामिफ्राव गोदो डाक्टर गैयामोन। आखाय बौब्ला जार्मान बिलाइखौं दिग्लिनानै होनाय, उदै साब्ला एबा उदै गाज्रि जाब्ला खिफि बेन्दों एउनानै जहोनाय आथिं आखाय बायब्ला हाग्रानि दंफां लाइफांनि बिलाइखौं देनानै खाथबना होनानै मोजां खालामनाय नुनो मोनो।

बेंगलनि भाडा बाजारा बेबादि मुलि गोथांजों आइथिं आखाय बायनायखौं फाहामनायनि थाखाय नामदांखा जानानै दं। आथिं खुब खुब मोनब्ला लोमस्रो साज्रो मोनब्ला उसुमाय(जारि बिजनि) बिजौं आरो माखासे दंफां लाइफांनि बिलाइ रोदाखौं फुदुनानै पंलु बिदै लौनाई जायगा जायगा जों दासिमबो नुनो मोनो। बे उसुमायफ्राबो जेबलांनो हमदों। आयुवैदिक एल' पिटिक होमिअ' पेटिक गासिबो मुलिफ्रा दंफां लाइफांखौं नेउसिनानै जानो हाया। गोलोम बोथोराव बाराद्राय गोलोमनायखौं खमायहोनो हायाब्ला दंफांनि साइख्रुम नागिरना बै दंफां सिडव जिरायग्रा हुदाया बयहाबो दं। मोसौंखौं हाल एवनो, गायखेर जानो फिसियो। बे मोसौनोबो थानानै थानो गांसो हाग्रा बंग्रा नांगौ। जों एम्फौ फिसियो। बे एम्फौनि फिथोब आरो खुन बिफांनि खुनखौं खुनुं लुनानै सि दानानै मानसिया गावनि लाजिनायखौं फांथयो आरो गोजां जानायनिफ्राय गोजानाव थायो। हाखर-हाला, दुब्लिन एम्फौफ्राबो माइ बारियाव माइ बिफांखौं खहा खालामनो हानाय माखासे एम्फौफोरखौं जानानै माइबिफां मोजां जानायाव हेफाजाब होयो। नाथाय मानसिफ्रा बेफोर एम्फौफोरखौंबो बुथारनानै गोजोन्नाय मोनो। दावमा दावसाफ्रा फिथाय जानानै खिनाइ फिथायनि बेगरनिफ्राय बिफां लाइफां फेहेरनायाव हेफाजाब होयो। बबेबा बबेबा दावमा दावसा, जिब-जुनातनि मेजेमखौं मुलि बाहायनाय बयबो नुवा लासैनो थायाखै। नाथाय बेफोर गासिबो थानानै थानो थाखाय हाखर हाला दंफां-लाइफां नांगौ। जायगा जायगा बिफां-लाइफां जेबनाय लोगो लोगो बिलो आरो निजिराफ्रा रनलांनाय मानसिनि मेगनाव गोलैयालासिनो थायाखै। दंफां बिलाइफ्रा अक्सिजेन होन्नाय मोनसे गेस सानाव हगारो। जाय गेसया मिनिटसे गैयाब्ला जिब-जुनात थानानै थानाया गोब्राव।

दिनैनि फान्जामुथि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेघ:

फालांगि मावनायाव मुलाम्फा खालामनो हागोन। गोसोखौं शान्ति मोनगोन। मोजां सान।

वृष:

माबाफोर जेंनायाव गोलैबायनो हागौ। गोसोखौं हमथानानै सोलिनांगोन

मिथुन:

मोजां रेंग'थि जानो हानायनि मान मोन्नो हागोन। गोसोखौं गोजोन मोनगोन। मोजां सान।

कर्कट:

गोसोआव माखौंबा लानानै गिखांनाय मोन्नो हागौ। गोसोखौं लोरबां लानो नाडा।

सिंह:

जायखिजाया बादायलायनायफोराव देरहासारनायखौं जानो हागोन। गोजोन मोनगोन।

कन्या:

मानिबा देरहासार जानो हानायनि बान्था मोन्नो हागोन। गोजोन मोनगोन। मोजां सान।

तुला:

मोजां हाबा मावलांनो हानायनि मान बाउजानो मोनगोन। गोसोखौं गोजोन मोनगोन।

वृश्चिक:

जेखि जाया फिसा-फिसौं बेरामआव गोम्लैबायनो हागौ। जेथिबो सांग्रा जानांगोन।

धनु:

जैरैबो गोहो-बोलोखौं मोन्नो हागोन। गोजोनै सम बारहोनो हागोन मोजां सम।

मकर:

गोसोनि हास्थायनायफोरखौं मोन्नो हागोन। गोसोखौं शान्ति मोनगोन। मोजां सान।

कुम्भ:

नख'रनि खामानि-दामानिफोरखौं मावनो बानाय एबा अलसिया जागोन। सानाया जाफुंनाय नडा।

मीन:

गोसोआव मानिबा दुखु-दाहाफोर थानाय दडबा फोरमायनानै लानो हगोन। गोसोखौं गोजोन मोनगोन।

गवानि लैराइ देबिनि मन्दिरआव होंगो-दोंगोनि जाहोनाव सा 6 जिउ ख 'हा

पानाजी, 3 मे: गवानि शिरगाअ गामिनि लैराइ देबि मन्दिरआव सुबुंफोरनि खारला-खारसि जानायाव सा 6 सुबुंफोरनि जिउ गोमायो आरो सा 50 नि बांसिन सुबुंफोरा जोखोम जायो। बे जाथाया शनिबार फु डाव जायो। मन्दिरफोराव सिबियारिफोरनि होंगो-दोंगो जानायखौं मोजां बेब'स्था लायैनि जाहोनाव बे जाथाया सोमजिदों होन्ना बुंनाय जादों। गवानि गिबि मन्थि प्रमद पावन्तआ फाहामसालियाव जोखोम जानायफोरखौं खौरां लाहैयो। मन्दिराव थानाय

सिबियारिफोरनि मोनसे बाहागोया गावजों गाव धैज्यं गोमालायनायनि उनाव बे

जाथाया सोमजियो, जायखौं जायगानि सुबुं आरो मन्दिरनि भलन्टियारफोरा सामलायनो

नाजादोंमोन। बिसरो मन्दिरआव फु जा खालामखांनाय

बांलादेश सिमनायाव स्लिपार सेल आरो हाबफै

खोमानाय बांनायनि सांग्रांथि होदों: मन्थि सांमा

गुवाहाटी, 3 मे: मेघालयनि केबिनेट मन्थि रक्कम ए सांमाआ मोनसे गोखों सांग्रांथि होदों, जेराव बिथाडा जाथावना स्लिपार सेल हाबाफारिजों आरो आइन बेरेखायै हाबखोमानायनि हेंखायै सांग्रांथिखौं बांहोनो खावलायदों। जर'खायै बांलादेशजों नांजाबनाय ओन्सोलफोराव सांग्राडै लाखिनो खावलायदों। गिबि

हाबफैनायखौं हमनो मोन्दों, जाय बे केसनि सायाव बांसिने नोजोर होनांगौनि गोनांथिखौं बुंथियो। मन्थि सांमाया रइज्योनि माखासे थोजासे जवान थिसनजायै सिमनाथिं इसारा होदों, जायफोथ गहाहम नडै गुदि बिथा आरो जवानफोरनि जेबोद खम नुजाथिनयजों गोहोम गोनां जायगा। बेफोर लोरबांथिखौं एबा जेंनाखौं बोस्त्रांनो थाखाय केबिनेट मन्थि सांमाआ खोला गार' हिल्सआव मोनै गोदान बिएसएफ प्लाटनफोरखौं थिसन्नो फोसावदों। लोगोसेनो सिमनानि सन्देह' गोनां ओन्सोलफोराव गोखों नोजोर लाखिहोनायनि थाखाय खामानि मावनायखौंबो बिथाडा फोरमायो।

मिज 'रमनि राइज्यो बेंगिरिआ एन जंगुराखौं

एलएडिसिनि गाहाइ मावफुं सोद्रोमा महैर थिसनबाय

आइजल, 3 मे: मिजरामनि राइज्यो बेंगिरि रिटायर्ड जेनेरेल भिजय कु मार सिंहआ शुक्र बारखालि बिजेपिनि दैदेनगिरि एन जंगुराखौं मिजरामनि खोला लवान्तलाइ जिल्लानि लाइ अटनमास डिस्ट्रिक्टनि गाहाइ मावफउं सोद्रोमा महैर थिसनो। जिल्ला काउन्सिल आरो माइनरिटि आयदानि नेहाथारि जरिनपुइआ फोसावनाय मोनसे बिथोनमायाव बुंदोंदि, जंगुराआ काउन्सिलनि सिइएम जानो थाखाय 10 साननि गेजेराव फोथायजानाय भट देरहानांगोन, जाहाथे बिथो गावहा थोजासे भट दड होन्नानै फोरमान होनो

हायो। थानाय 30 एप्रिलआवनो जंगुराखौं सिइएम महैर थिसन्नाया गोहोम गोनां जादों होन्नानैबो खौरां फोसावनायाव बुंदों। बिबानगिरिफोरा बेयाव जाफुंसार जायोब्ला बिथाडा एलएडिसिनि आथिखालनि हाबाफारि समाव 5 थि सिइएम जागोन होन्नानै बुंदों। बिथाडा

जयम पिपुल्स मुभमेन्टनि दैदेनगिरि भि जिर्पानि जायगायाव बिबान सामलायगोन। जिर्पानि 2 दान गोजाम मावफुं समिटिआ जंगुरा आरो गुबुन सासे जेडपिएमनि एमडिसिआ बावैसो सिगां दोलो नागासनायाव बायदों। जंगुरा आरो बिएन थंपुइआ बावैसो सिगां बिजेपिआव हाबदों।

पाकिस्तानआ मुरिलम हादतफोरखौं पेहेलगामनि उत्तखारि

केसनि नायबिजिरनायाव मदत होनो खावलायदों

इस्लामाबाद, 3 मे: भारतजों जेंना सोमजिनायनि थाखाय आमेरिकानि खाथियाव गंग्लायनायनि उनाव पाकिस्ताना लोगो मुस्लिम हादतफोरनाव आर'ज गाबदों। पाकिस्ताननि गाहाइ मन्थि शहबास शरिफआ इस्लामाबादआव सौदि आर'बनि थान्दे नवाफबिन सरद अल-मालिकी, इउएइनि थान्दे हमद अबैद अल-जाबि आरो कुवैतनि थान्दे नासेर आब्दुल

गैयै दाय जाबसिन्नायखौं गोखोडै नेवसिगारो आरो जाथाइनि सायाव गोथौयै इन्टारनेशनेल नायबिजिरनो खावलायो। गुबुन जथुम्मायाव शरिफआ पाकिस्तानखौं मदत होनायनि थाखाय इउएननि थान्देनो साबायखर होयो। फारसेथिं कुवैतनि थान्देनि सिगाडाव पाकिस्तानआ इन्टारनेशनेल फोलेरनिसिम जाथाइखौं रोखा आरो गोखोडै नायबिजिर होनांगोन होन्ना बुडो। साथामबो थान्देफोरा गावसोरनि हादतआ पाकिस्तानजों जयै खामानि मावगोन होन्ना बुडो। बेराफारसेथिं पाकिस्तानआव चीननि थान्दे जियां जेदंआबो गाहाइ मन्थि शरिफजों लोगो हमदों।

सुबुंफोरखौं रैखाथियै बायजोआव दिहुन्नो नाजादोंमोन। जेब्ला मन्दिरआव गोदो-गोदायनिफ्रायनो सोलिबोनाय गोजाम नेम-खांथिखौं नायनो आरो बेयाव बाहागो लानो थाखाय रोजा रोजा सिबियारिफोरा थुबुर जादोंमोनन। बेयाव सुबुंफोरा आथिं गोजायै रोहो रोहो जौनाय अरखियाव थाबायदोंमोन, बेखौं नायनो सुबुंफोरा गावजों गाव हांखुर जायो। गाहाइ मन्थि नेस्त्र मदिआ मावख 'निफ्राय बे

जाथाइनि सायाव एक्सआव दुखु मोन्नाय फोरमायदों। हादतगिरि द्रौपदि मुर्मुआबो गवायाव लैराइ देबि जात्रानि समाव जानाय सुबुंफोरनि होंगो-दोंगोआव जिउ गोमानाय जाथायखौं दुखु मोन्नाय फोरमायदों। लोगोसेनो जोखोम जानायफोरखौं मोजाडव थाबैनो फैथों होन्नानै आर'ज गाबदों। मख'जाथावदि, लैराइ यात्राखौं बोसोफ्रोमबो सा गवायाव खुंनाय जायो, जेराव 50,000 नि बांसिन सिबियारिफोर थाडो। देरलाय बेनि हाबाफारिया शुक्र बारआव जागायदोंमोन।

गं 100 जर'खा कर्ट थासेयावबो पिएमएलए

केसफोरनि हिंयारिआ लासै लासै जादों: रिपर्ट

गोदान दिल्ली, 3 मे: हादतआव प्रिभेन्सन अफ मानि लड्डि एक्स (पिएमएलए) नि केसफोरनि हिंयारिनि थाखाय 100 जर'खा कर्ट एबा बिजिरसालि दं। अब्लाबो बे जर'खा आइन केसखौं जेबथा थांखिसिम सौहैहोनाय एबा केसखौं आबुडै नायबिजिरनायाव फेलें जागासिनो। बे बाश्राखौं इडिनि गोदान रिपर्टआव बुंदों।

रांखांन्थियारि केसफोरखौं नायबिजिरनाय इडिनि सायाव बेरेखा दोलोआ जेब्लाबो फाराग दिन्थिना नायबिजिरनायनि दाय जाबसिनो। बे एजेन्सिनि केसफोराव दायनिगिरिफोरखौं गोखोडै नेवसियो। इडिनि डायरेक्टर राहुल नबिनआ बुंदों, एजेन्सिया जाय केसफोराव नायबिजिरना केस थिसन्दों,

बेयाव दायखौं रोखा एबा फोरमान जायैनि जोखोन्दोआ 93 जोखोन्दोनिबो बांसिन। एजेन्सिआ पिएमएलएनि केसफोरनि हिंयारिआव फैनो गोनां से लेन्सफोरनि आयदायाव आलादायै रिपर्ट फोसावदों। बे रिपर्टआव बुंनाय जादोंदि, बै सेलेन्सफोरनि थाखायनो कर्टआव केसफोरा जेबथा थांखिसिम सौहैनायाव गोबाव जायो। 2005 आव गायसन्नायनिफ्राय दासिमाव एजेन्सिया 7,771 केसफोरखौं नायबिजिरबाय, नाथाय बेनि 1,739 के सफोरावल' एफआइआर थिसनजादों। बे समाव एजेन्सिया गुबुन गुबुन केसफोराव 1.55 लाख कौटि बेसेननि सम्पति जब्द' खालामदों।

सुइसाइड बम लानानै पाकिस्तानआव

थांनो सिगांदों कर्णाटकनि गिबि मन्थिआ

गोदान दिल्ली, 3 मे: जम्मु-काश्मीरनि पेहेलगामआव थानाय 22 एप्रिलआव जानाय उत्तखारि गार्लोबनायनि उनाव हादरनाडे उत्तखारिनि हेंथायै गोबां दोहौ नुनो मोन्दों आरो साफ्रोमबो सरकारनिसिम गोखोडै नायबिजिरनो खावलायदों। बे समावनो कर्णाटकनि सासे मन्थिआ गावनि बिबुंथिनि थाखाय खौराडाव साग्लोबसारदों। कर्णाटकनि एसेल' सुबुं अन्जिमायारि आयदानि मन्थि बिजेड जमिर खाननि मोनसे बिबुंथिआ बे समाव गोबां गोसारदों, जेराव बिथाडा गावनो पाकिस्तानआव थांगोन होन्ना बुंदों। बिथाडा बुंदों, गाहाइ मन्थि नेस्त्र मदि आरो नख'र मन्थि अमित शाहआ गनायथि होयोब्ला बिथाडा गावनो सुइसाइड बम लानानै न'सुंसे

हादरजों दावहा नांनो थांगोन। शुक्रबारखालि मोनसे प्रेस कन्फारेन्सआव बिजेड जमिर आहमेद खानआ बुंदोंदि, पाकिस्तानआ जेब्लाबो भास्तनि सुथुर। जों हिन्दुस्तानी आरो पाकिस्तानआ जों जों माल्लाबाबो मोजां सोमोन्दो गैया। कर्णाटकनि गिबि मन्थिआ गाहाइ मन्थि मदि आरो अमित शाहनिमिम गावनो थरसे सुइसाइड बम हरनानै पाकिस्तानआव थांनो गनायथि होनो खावलायदों।

बिथाडा बुंदों, दावहा नांनो आं पाकिस्तानआव थांगोन आरो बैयाव गार्लोबहैगोन। बेनि सिगां बिथाडा पेहेलगामनि उत्तखारि गार्लोबनाय जाथायखौं गोखोडै सोंखारिदों आरो बे जाथायखौं दाय गैयै नोगोरारिफोरनि सायाव मुगैथाव आरो गनायथावे हाबा मावदों होन्नानै फोरमायो। साफ्रोमबो भारतयारिआ खौंसे जानांगोन होन्नानै गिबि मन्थि मिर सरकारखौं माहारियारि रैखाथिनि थाखाय गोखों थांखि आजावनो खावलायदों।

हादरगिरि ट्राम्पआ हार्वार्ड इउनिभार्सिटिनि

टेक्स रेहाय खाबुखौं फोजोबनानै होबाय

वाशिंटन, 3 मे: आमेरिकानि हादरगिरि डनाल्ड ट्राम्पआ हार्वार्ड इउनिभार्सिटिनि टेक्स रेहायनि समखौं फोजोबनानै होबाय। ट्राम्पआ बे थांखिखौं इहुदिफोरनि हेंथायै मुगैनाया बांबोनाय आरो फिलिस्ताइनीखौं मदद होनानै धर्ना खालामनायखौं होबथानायाव इउनिभार्सिटिआ

आदोबखौं साबस्त्रांहोनांगौ आरो थिसन्नाय आदोबखौं साबस्त्रां होनांगौ आरो थिसन्नाय खांन्थिखौं सोलायनांगौ होन्नानै बाश्रा बुंदोंमोन। सरकारआ इउनिभार्सिटिनिसिम बैयाव गोखों समान्थि लाबोनायनि थाखाय अडिट खालामहोनो आरो माखासे स्टुडेन्ट क्लाबफोरनि गनायथिखौं केन्सेल खालामनो दाबि दैखांदोंमोन। अदेबानि इउनिभार्सिटिआ ट्राम्पनि दाबिखौं अजद होदोंमोन। इउनिभार्सिटिनि आफदगिरि एलन गार्ब्सआ बुंदोंदि, इउनिभार्सिटिआ गावनि उदासि एबा संबिजितयारि मोन्थायफोरखौं नागासनाय नडा।

बरफनि हाजो थिखिनियाव साननि जोंब्लावनाय सोमोनांथाव नुथाय नुनो मोनो

जोंनो मिथिंगाया गोबां खाबुफोर होदों, जायनि माखासेखौ जों मिथिस 'नो मोना। बुहुम-सान-अखाफोरनि बागै बिगियानगिरिफोरनि नायबिजिरनायजों गोबां मिथिनो हाबाय। अब्लाबो गोबां मिथिनो गोनां दङ आरो माखासेनि बागै जोंनि गोबाङनो मिथिया। जों जोंनि हादरआव मिथिंगानिफ्राय मोन्नाय सम्पदफोरखौ बिगियाननि नोजोरै नायनाय जाया, बेखौ जोबोद मानिनाय जायो आरो मान होयो। सानखौ नायहरसानै फुंनि समाव दै लुनाय जायो आरो खुलुमो। मानोना बेयो जोंनि जिउनि एबा थानानै थानायनि थाखाय गोनांथार। जों बयबो मिथिगौदि, सानआ जोबोद बिदुं दङ एबा जोंमा गोहोनि बिगोमा, नाथाय माब्लाबा बेखौ खामब्लावनाय नुफेरदों ना ? आथिखालाव भाइरेल जानाय भिङिअआव नुनो मोन्नाय जादोंदि, बरफजों खोबफबनाय हाजों थिखिनिफोरावनो अर



जोंब्लावनाय रोहो-रोहो नुनो मोन्दों, बेखौ नुनानै अरगें हाजो बेरफुनाय होन्नानैबो सान्नो हागौ। नाथाय बेयो अरगें हाजो बेरफुनाय नङ। भिङिअनि केप्सनआव बे सोमोनांथाव नुथाया चीननि मेली स्व माउन्टेननि। बेखौ नुनानै सुबुंफोर सोमोनांदोंदि, साननि

जोंब्लावनाय अरखौ बेबादियै माब्रै नुनो मोनखो आरो बेखौ बुहुमनिफ्राय लांदां मेगनजों नुनो म ो न द ो ँ । @wonderofscience मुंनि एकाउन्टआव शेयार खालामनाय बे भिङिअआव जाय नुथायखौ नुनो मोन्दों, बेयो गुबैयै एर ग्राफिक क्लाउडस एबा

बारहावानि नारसिन्थाय आरो सिदोमाजों सोमजिखानाय जोमैफोर आरो हाबलांनो हमनाय साननि जाहोनाव जों बेबादि सोमोनांथाव नुथायखौ नुनो मोन्दों। नाथाय बेयो सान रोदानि जोंब्लावनाय नुथाय नङ। जोमैनि जाहोनाव साननि रोदाखौ अर बादि नुनो मोन्दों।

जोबि गामि जिउनि गुथाल

सान्जानि जारौ साना नुजाबोनाय लोगो लोगो सोरां मिथिंगानि अराय नाथाय आय'..... आंनि जोनोम गामि॥ गैया समायना-रमायना महर बिबारनि बारि सोमखोर गोथां हाजो-हाला सारि-सारि। गासैबो दंनायमानि गोरान आबाद फाथो, बेसर, सेबिंनि अनगा गोदान आबाद। गैया रावबो साखि-बाखिनि गिरि बयहाबो फोथारनि आबादआरि। गायनो-फुनो गैयाया दंग-जाम्फे, गैया जेब्लाबो ओंखामनि आखाय-बेदरनि आलि। बेनो जोंनि जोनोम गामि आमिनफारा। खोलो-खोलो बार बारनाय मिथिंगाजों दावसिन-दावज्ला गाबनाय देंखोजों। समाइआ-फागुननि थिं-थिं साननि बिदुं रानम्राव बारहाव जेब्लाबो गुदुं बिफां-लाइफां, औवा, रायदों रानजोबो॥ गैयाया दासिमबो मोब्लिबनि सोरां लाबोग्राबो गैया गामिखौ अराय सोरां। बेनि दुखु थियासिन मा गामि दं बे मिथिंगानि बिखायावलाय..... ?? बेनो जोंनि गामि- आमिनफारा।

रिन्दाव बसुमतारी
गामि:- आमिनफारा, पाटगाव

फिरफिला

गोजौनि उदां बारहावायाव समायना गाब गोनां फिरफिला, नों हाइला-हुइला बिरो जिरन गैयै आलो-गोजौनै। मोनहा स'यै गोजौआव मेगन थायनैजों नायदावहाब, दोलोयै देखाछे सुबुङा रंजा -खुसि गोथार गोसोयै। दिनै जोंनि गेजेराव गोसो गोबोंनि आंगोमा, नुजाफैदों बिब्दिनो फिरफिला लाइसि लिरिगिफोरनि उदांमि मुं महरै। मिलौहाब गोदै रावआव आखाय बायदि बेरखांनाय गोसोनि बाथ्रा, फोरमाय जोबनो लुबैयो जों आंगो फिरफिलानि सिगाङव उदां गोसोयै। जोंनि बर' थुनलाइआव थागोन रेंगंथिनि सोलोनि आरो गियान सुम्रांनाय लिरिबिदां अरायसम फिरफिलानि हेफाजाबै। फिरफिलायाव बोगोन रोमोग' गाबनि सावगारि, जौसिन-गोजौथाराव बिरगोन उनाव लोगोसे जोंबो मानखोलांगोन लासै लासै।

मुस्रिमा निजरा ब्रह्म
खोला खारगाँव
क'क्राझार

सुबुं हारिनि गेजेराव दुखु-दाहा गोनां गैयै मिथिस्लाबाजासे रंगिना बुहुमआव जोनोम लानायदोंमोन आं, नैबे साहारा बाला हामानि गेग्रैब देरायाव। बेनो नामा जोनोमनि बान्थाया ? हाय!! लैथोनिखुरैबो थौसिन दुखु अखरां बादि सिमना मोनै जेंना जिउनि आगानफ्रोमबो हेंथा, फेल्लैबसेल' सुखु- गोजोन आंहा बे उजिआव। लरहायनाय देहा लानानै माबा मोनगोन सान्नानै दावगादों, नाजादों आरो हास्थायदों, गुवार साहारा बाला हामानि निजोम देरायाव। नुस' हायै,सानस' मोनै रोमै रोमै गोजानाव जायखार लांब्लाबो, बावनो हानाय नंला आं आंनि सिमांनि अनजालिखौ। गोथार सान्नाय आंनि बेरखां हाया मोखथांआव गावखौनो फोरमायनो गिनानै नों अनजालिनि सिगांआव.....।

चक्र मुसाहारी

हायनारि मिथिंगा

बिफां लाइफां सारि- सारि हाजो हाला-लारि- लारि गोमो गोथां, गोजा, गुफुर बायदि गाबनि ख्लाब-ख्लिब मोदानफबदों बिबार बारियाव समायना रमायना बेरे सिखिरि दैमा-दैसा जिरि-जिरि। बोहैलादों बबेहायबा हाइला-हुइला मोसा-मोसा। जोंथि माथि मोदानफबदों फुंबिलि जारौ साननि रिफिनायजों निहिर थरथिं। मा एसे समायना-रमायना गाब गादों हायनारी मिथिंगा राणीआलाय आय अनसुलि आय मिथिंगा सुबुं जिउआव मोनसे आर'ज आंनि थैनाय उजिनाय जाबाय थाथों नोंनि बिखायावनो।

मुस्रि सनजय बर
गामि-तिनकना
थाखो- जि
ला:सो- फकिराग्राम पाब्लिक हाइ स्कुल

रंजालि गथ'फोरनि सौरा

जिउनि जारिमिन

दंमोन आंहाबो बे संसाराव बिमा-बिफा ! गैया नाथाय जानाय लोंनाय दिनै जाबा गाबोन गैया दंमोन आंहा मोनसे सिमां नाथाय जाफुंसारनायनि लामाखौनो नुहराखिसै आं सान्दोंमोन आं गोबां गोजौ थाखोसिम सोलोंथाइ लालांनो नाथाय न 'खराव आंहा जेबो गैया। सोर आय' होननो आंनि बे जिउ जारिमिनखौलाय, गैया आंहा बे संसाराव गोजोन होननाय खालि दं दुखु-दाहा सामफ्रोमबो मेगनाव मोदै खुगायाव खुदै। मालायनि गोदान-गोदान गान्नाय जोमनायखौ नुब्ला लुबैसै। मालायनि जानाय-लोंनायखौ नुब्ला खुदै मन 'नानै उदै हमथानानै थानांसै मा जाबावगोन बे आंनि जिवआ..... ???

देरहासार ब्रह्म
गामि-गसाइगाव मालागिरि

सोलोंथाय

लाजेनबाय आं दिनै, सोलोंथायनि फुंखाखौ; मोनजेनबाय आं दिनै गियाननि फुंखाखौ। मेगनजोंबो नुबाय आं, सुबुंफोरनि नाजानायखौ, आंबो नाजागोन सानसे; सोलोंथायनि फुंखा लानानै। गियाननि बुब्लि बिखायाव, गियाननि सोमखोर हायाव नुबाय आं जिव-जिबिनि; सोलोंनाय-रोंनायखौबो। माब्लादि जाखांगोन आंनि सोमखे मोखांआव, माब्लादि सौफैगोन आंनि सोरां गोसोआव।

मिस दिपानजलि मोसाहारि
इउ एन एकाडेमि कक्राझार

सांग्रेमा एम्फौ

हर दान खोमसिआव जोङे नों सांग्रेमा साननि समाव नों जोङ; हरनि समावल' जोङे नों। रिथिउ-रिथाव जोंथि-माथि स्टेसननि रङ लाइट जोंनाय बादि बेसे समायदों। नों सांग्रेमानि जोंनाय मादि गोहो लानानै जोङे नों रावबो हाया नोंनि जोंनायजों हर दान खोमसिखौनो साथिफबहोयो। नों सांग्रेमा एम्फौब्लाबो नोंनि गोहोआ गोबां, हर खोमसिआव आन्दायनाय सुबुं फैनायफोरनोबो सिगां जानानै जोंनाय होयो नों। बे मुलुगाव थानानै थाबाय था नों सांग्रेमा अरायबोनि थाखाय।

मिस मौसुमि दैमारि
रैमालि एकाडेमि कलेज,
बिजनी, चिरां।'

जोंनि हादत

बे जोंनि हादोद, रावनिबो नङ बे हादोदआ नोंनि आंनि रावबो गैया बे मुलुगाव जाय सुबुङव जिउ गारनानै थादों गावनि हादोद सिबिनायनि थाखाय मुंख्लं जालादों। बे हादोदआवनो थादों बे हादोदआवनो जादों नाथाय रावबो खिन्था रोङ गेदेमाफोरनि सलमा, रायथाय जाय सुबुंआ गावनि गाव हादोरखौ सिबि लादों गावनि मुंख्लं सान फालिलादों। हादोदआवनो उजिदों हादोदआवनो थादों हारि मोनसेयैनो गावबा गाव आवगाय लादों..... हारि मोनसेयैनो जयै थादों जाय गेदेमाया गावानि गाव हारिखौ फेदेर लादों बेसो जादों, बेसो जादों हादोदनि आगोमा फिसा बेसो जादों हादोद सिबिग्रा।

कनिस्वर बरगयारि
उमानन्द गोजौ फरायसालि

बर' राव थुनलाइ

जों नै बे मुगानि फरायसा हान्जा बेखेव लांगोन जों बर राव थुनलाइ इनायनि हेंथायै गंसं थेना। सैथोनि लामाजों आगान सुरना हान्जा हान्जा दावगा लांगोन बर राव थुनलाइ सिबिनो। उदांश्री हास्थाय सुला हास्थायसुलि बेखेव लांगोन जों बर राव थुनलाइ जो 'सिबिगोन बर' थुनलाइखौ। जों सोलोंगोन बर' हारिमु राव खान्थि गनायगोन जों हारिनि बोसोनखौ जों सिबिगोन बर' थुनलाइखौ दे जाखांदे देरहासात बर' बिमा थुनलाइ जेब्लाबो गेजेन नङ बर'नि बिमा थुनलाइआ देरहासाद बिमा राव गेवलांथों थुनलाइआ जोखांबाय हारिया.....॥

मिस रिंखु नार्जारी
फरायसालि- उमानन्द गोजौ फरायसालि

आंनि जायख्लंआव

आंनि गोसोनि जायख्लंआव नुजाफैबाय थायो। हायना गोनां अनसुलि महरा गेले फैयो नों आंनि बिखा गेजेराव। बावनो हाया मानो नोंनि बिबार बायदि समायना महरखौ, जाखां फैबाय थायो जानाय-लोंनाय हरनि समाव निन गैला साननि समआव गोजोन गैला आंनि बे बिखा गेजेराव मानो गेले फैबाय थायो नों र'जे। रायज्जलायनो हाया बुनो हाया आंनि मेगन थाइनैनि नोजोराव उसाव बादाय जाबाय आं, आंनि जायख्लंआव जाखां फैबाय थायो नों र'जे।

मुस्रि थनिजा ब्रह्म

गाहाम देहानि राहा

तेजपात बिलाइआ सुगार बेरामिनि थाखाय मुलाम्फा गोनां

ओंखाम संग्रायाव गोबां मस्लाफोर मोननायफोरा बेरामफोरनि मुलि महैर खामानि मावो। बे मसलाफोर एबा बिलाइफोरखौ सुगारनिफ्राय लानानै हाइ बिपिसिम गासैखौबो सामलायनो थाखाय बाहायनाय जायो। दाइबेटिसाव गोबां नख'रारि राहाफोरा गोहोम गोनां फोरमान जायो। बेफोर राहाफोरखौ नेमबादियै बाहायनाया देहायाव ब्लाड सुगारखौ सामलायनायाव मदद खालामो। बेबादिनो मोनसे गोरान बिलाइआ जाबाय तेजपात। बे बिलाइखौ जुदि डाइबेटिस बेरामिफोरा फुडव साहा बानायोब्ला बेयो सुगारनि थाखोखौ बाडय खालामनायाव मदद होयो। बे बिलाइखौ सावस्त्रिनि थाखाय जोबोद मुलाम्फा गोनां होनना मानिनाय जायो। बेयो एन्टिअक्सिडेन्ट, भिटामिन आरो खनिजफोरजों बुंफबनाय। बेफोर गासैबो निउट्रियेन्टफोरा डाइबेटिसाव गोहोम गोनां फोरमान जायो। बे बिलाइयाव आयरन, पटे शियाम, कैल्शियाम, सेलेनियाम आरो थामा थायो। बे बिलाइनि दै एबा साहाखौ माखासे साननि थाखाय नेमबादियै लोडोब्ला बयनिखुइ गोजाम दाइबेटिसखौबो बाडइ खालामनो हायो। आयुर्वेदिक



देहा फाहामगिरिफोरनि बायदिब्ला, मुलुगाव गोबां लाइफांफोर दंजायखौ सुगारनि थाखोखौ बाडइ खालामनो थाखाय न'आवनो गोरलैयै मोन्नो हायो। आचार्य बालकृष्णनि बायदिब्ला, बे बिलाइया दाइबेटिसाव जोबोद मुलाम्फा गोनां। गोबां बिजरसंनायफोरा बेखोबो दिन्थिदोंदि, माखासे आयुर्वेदिक राहाफोरजों जानाय आदार आरो ब्यामखौ ज' खालामनाया सुगारनि थाखोखौ बाडइ खालामनो हागौ। बिदि खालामोब्ला इन्सुलिन फांसनखौ साबसिन खालामो। बयबो ओंखाम संनायाव बे बिलाइखौ बाहायो नाथाय डाइबेटिस बेरामिफोरा बेनि साहा। बे बिलाइनि साहा बानायनो थाखाय 1 तेजपात बिलाइखौ हरसेनि थाखाय 1 गिलास दैयाव सोमना दोननांगौ आरो फुडव बे दैखौ फुदुंनंगौ

आरो लोंनांगौ। नोंथाड सरासनस्त्रा गायखेर साहायावबो तेजपात बिलाइ बाहायनो हायो। बेजों लोगोसे एसे दालसिनि, इलायची आरो थुलसिबो होदेरनानै तेजपात बिलाइनि साहा बानायनो हायो। सरासनस्त्रायै, नोंथाड फुडव तेजपात बिलाइनि साहा लोंनो हायो। बे बिलाइया कनस्तेज, एसिडिटी, खुसेरनाय आरो सानायखौ बाडइ खालामनायाव मदद होनो हागौ। किडनीयाव अन्थाइ थायोब्ला बे बिलाइनि दै लोंनाया मुलाम्फा गोनां जानो हागौ। जायफोरा उन्दुनायाव गोब्राब मोनो, बिसोर दैयाव माखासे थरथिसे तेजपात बिलाइनि थाव होफादेरनो हायो आरो लोंनो हायो। बे बिलाइनि थावजों जराफोरखौ मालिस खालामोब्ला गोजोननाय मोनो।

सावथुन बानायगिरि बनि कापुरनि बिमा निर्मला कापुरआ रुंसारि जाबाय

कापुर नख'रनि थाखाय शुक्रबार मोनाबिलि समाव मोनसे जोबोद दुखु नांथाव खौरां लानानै फैदों। सावथुन बानायगिरि बनि कापुर अनिल कापुर आरो सन्जय कापुरनि बिमा निर्मला कापुरआ मुम्बाइनि ककिलाबेन आम्बानि देहा फाहामसालियाव जिउ गोमाबाय। बिथाडा 90 बोसोर बैसोनिमोन आरो थांनाय बोसोरावसो नख'रजों लोगोसे

बिथाडा गावनि 90 थि जोनोम सानखौ फालिदोंमोन। निर्मला कापुरनि जिउ गोमानायजों कापुर नख'रनि गासै सोद्रोमाफोरा दुखुआव गोरलैना दं। बनि कापुर आरो बिथानि गथ'फोर अर्जुन कापुर आरो अनशुला कापुरआ सशेल मिडियानि गेजेरजों गावनि बिबै आरो बिमाखौ बिबार बाउदों। बनि कापुरआ



इन्सटाग्रामआव मोनसे इमशनेल पस्टनि गेजेरजों गावनि बिमाखौ जोबथा

बिदाय होदों, जाय सशेल मिडियाआव जोबोद दुखु मोन्नायजों लोगोसे शेरार

‘केसरी चेप्टर 2’ सावथुननि रां आरजिनायखौ थामथि सप्ताहनि उनाव दावख्खायनाय नुनो मोन्दों



बलिउडनि फावखुंगुर अक्षय कुमारनि थाखाय 2025 माइथायआ जोबोद आय गोनां जादों। स्काइ फर्सनि उनाव ‘केसरी चेप्टर 2’ सावथुना फावखुंगुरनि गुबुन मोनसे सावथुन, जाय बक्स अफिसआव मोजां कालेक्सन खालामगासिनो दं। बेनि सिगां थांनाय माखासे बोसोरसिमाव फावखुंगुरनि सावथुनफोरा लान्थ्रियै फ्लप जादोंमोन। बबेखानि बे सोलिफु बोसोराव खिलाडी कुमारआ गुबुन माखासे सावथुनफोरखौ लानानैबो फैगासिनो दं। ‘केसरी चेप्टर 2’ सावथुननि बाश्ना सावरयोब्ला, बक्स अफिसआव बे सावथुना मोजाडैनो दिन्थिफुंगासिनो दं। ‘केसरी चेप्टर 2’ नि सल'खौ जालियानवाला बागनि बुथारनाय जाथायनि सायाव बिथा

खालामनाय जादों। बेवहाय अक्षय कुमारआ उकिल सि शंकरन नायरनि फाव खालामदों। बे फावखौ गिदिरि पर्दाआव मोजाडै दिन्थिफुंगासिनि थाखाय सावथुन नायनो मोजां मोनग्रा सुबुंफोरा फावखुंगुरखौ बाख्यायदोंबो। आर माधबन आरो अनन्या पान्डेनि खामानि मावनायखौबो बाख्यायदों। सावथुना अन्सायनाय मोन्नायनि जाहोनावनो लासैयै जागायनायनि उनावबो बे सावथुननि कालेक्सना समजों लोगोसे बक्स अफिसआव गोखोडै जायगा आवग्रिनानै थानो हादों। करण जौहरनि प्रडिउस खालामनाय ‘केसरी चेप्टर 2’ सावथुना 7.75 कौटि रंजों बक्स अफिसआव जागायदोंमोन। गिबि सप्ताहआव सावथुना 46.1 कौटि रानि कालेक्सन खालामदों। अदेबानि नैथि सप्ताहआव सावथुना 28.65 कौटि रं आरजिदों। थामथि सप्ताहआव आगान होनायनि उनाव सावथुननि रं आरजिनायखौ दावख्खायनाय नुनो मोन्दों, नाथाय उड्केन्डआव कालेक्सनखौ फिन खनसेबाव दावखोनाय नुनो हागौ। रिपर्टनि बायदिब्ला खौरां लिरजानाय सिमाव अक्षय कुमार आरो आर माधबन स्टारनि सावथुना 86 लाख रं कालेक्सन खालामदों। नाथाय, बे अनजिमाया सोलाय सोल' जाफिनो हागौ। सावथुना 15 साननि गेजेराव 75.61 कौटि रं आरजिनो हाबाय।

बिदाय होदों, जाय सशेल मिडियाआव जोबोद दुखु मोन्नायजों लोगोसे शेरार

एक्सन ड्रामा रेट्र सावथुना सिनेमा हलफोराव रिलिज जानायनि उननिनिफ्रायनो दोहौ सोमजि होगोसिनो दं

तामिल सिनेमानि एक्सन ड्रामा ‘रेट्र’ सावथुना सिनेमा हलफोराव रिलिज जानायनि उननिफ्रायनो दोहौ सोमजिहोगासिनो दं। सुर्याआ थांनाय बोसोराव रिलिज जानाय सावथुन कंगुवाआव जर'खा पारफर्म खालामनो हायाखैब्लाबो, नाथाय बिथानि बावैसो नुजाथिनाय सावथुन रेट्रनि

फारसे नायगिरिफोरनि गेजेराव रंजानाय लामाखौ नुनो मोन्दों। सावथुना गिबि समाव मोजां अपेनि लादोंमोन आरो दा नैथि साननि बक्स अफिस रिपर्टआ सोरांआव फैबाय। कार्तिक सुब्बारजनि बिथोन होनायाव बानाय जानाय रेट्र सावथुना 1 मेखालि सिनेमा हलफोराव रिलिज जादों। सावथुनाव पुजा

हेडुगे, जयराम श्रिया सरन, प्रकाश राज आरो नस्सर बायदि फावगिरिफोराबो गाहाइ फावआव दं। सावथुनखौ लानानै गोबाव समनिफ्रायनो सुबुंफोरा एक्साइटेड जानानै दंमोन आरो सावथुना जेब्ला थियेटरफोराव नुजाथिफैयो अब्ला बेखौ गोबां अन्साइदोंबो। आइएमडिबिआ



बे सावथुनखौ 8.7 रेटि होदों। सावथुना मोजां रिभिउ मोन्नो

23 बोसोर बैसोनि अभनित कौरआ डिप नेक ड्रेसआव सेबखांजानाय माखासे सावगारिफोर शेयार खालामदों



उन्दै आरटिस्ट महैर गावनि एक्टि केरियारखौ जागायनाय अभनित कौरआ आथिखालाव सशेल मिडियाआव बयजोंबो अन्साइ जानाय महर मोखां जाबाय। बिथाडा जेब्लायबो गावनि बल्ड आरो स्टानि सावगारिफोरजों इन्टारनेटआव दोहौ सोमजिहोदों। फिन खनसेबाव बिथाडा सशेल मिडियाआव गावनि गोखों रोंग'थिजों दोहौखौ बांहोदों। 23 बोसोर बैसोनि अभनित कौरआ 8 बोसोर बैसोआव खामानि मावनो जागायदोंमोन। आथिखालाव बिथाडा टिभिनि मुंदांखा फावखुंग्रि जानायजों लोगोसे सावथुनफोरावबो गावनि रोंग'थि एक्टिखौ दिन्थिखांबाय। नाथाय बिथाडा बांसिन सशेल मिडियानि गेजेरजों लाइमलाइटआव थायो। बावैसो सिगां बिथाडा गावनि लेटेस्ट लेटेस्ट सावगारिफोरजों सुबुंफोरनि नोजोरखौ बोदों। अभनित कौरआ इन्सटाग्राम एकाउन्टआव गावनि लेटेस्ट सावगारिफोर शेयार खालामदों, जेराव बिथांखौ स्टानि आरो गर्जियास नुदों। डिप नेक बडिकन ड्रेसआव अभनितखौ हिट नुदों। बिथाडा गावनि लुकखौ गुफुर भतिनि नेकलेस आरो इयारिजों आबुं खालामदों। बाउन्सिं खानाय हगारनाय आरो जोंखोल मेकआपआव बिथांखौ गोमोथावना नुदों।

सावगारिफोरनि थाखाय बिथाडा मोनसेनि उनाव मोनसे बोनो हाथाव पज होदों। अभनित कौरनि लेटेस्ट सावगारिफोरा अन्साइगिरिफोरनि मावनायखौ

बांहोदों। सुबुंफोरा बिथांखौ जेब्लायबोनि बायदि समायना होन्नानै मिबथि होदों। अभनितनि लोगोफोराबो बिथानि सावगारिफोरनि सायाव

शाहरुख खानआ गावनि अफ स्क्रिन जिउनि सोमोन्दै मिबथि होदों

बलिउडनि बादशाह खानआ सावथुन मुलुगनि सासे स्टार आरो गावनि लाग्जारि लाइफस्टाइलनि थाखायबो मिबथि जायो। कौटि रानि बांलाआव थाग्रा शाहरुख खानआ गोबां खामानि मावग्राफोर दं, नाथाय नोंथांमोनहा मिबथिगौ नामा जे फावखुंगुरआबो न'नि खामानिफोराव आखाय होफायो? बावैसो सिगां शाहरुख खानआ गावनि अफ स्क्रिन लाइफनि सोमोन्दै गुवारै फोरमायदों। शाहरुख खानआ जेब्लानिफ्राय बलिउडआ फैफिन्दों बे समनिफ्रायनो



बिथाडा सशेल मिडियाआव गावनि अन्साइगिरिफोरजों लोगोसे सोमोन्दोआव थायो। लोगोसेनो बिथाडा माखासे इभेन्सफोरवबो गावनि जिउजों लोब्बा थानाय माखासे मुजिथावना बाश्नाफोरखौ फोरमायबाय थायो। बावैसो सिगां फावखुंगुरआ मिबथि होयोदि, पडानि उनाव बिथाडा गावनि जिउआव मा मा खालामो। शाहरुख खानआ 1 मेखालि मुम्बाइआव वर्ल्ड अडिय भिजुएल इन्टरेक्टिवेन्ट समिटनि बेखेवनाय हाबाफारियाव बाहागो

अन्नाय लुफावदों। थांनाय सानाव मोनसे खौरां फैदोंमोनदि, अभनित कौरनि फेन पेजआव शेयार खालामनाय बिथानि बल्ड

सावगारिफोरनि सायाव भारतीय क्रि के टार भिराट कहलिआ लाइक खालामदों। बे खौरांआ सशेल मिडियाआव अर बायदि गोसारदों आरो क्रिकेटरआ गावनि फिनजाथाइ होनांदों। भिराट कहलिआ मोनसे परस्टआव बुडोदि, आं रोखायै बुंनो सानोदि, फिडखौ क्लियार खालामनाय समाव जानो हागौ एल्गरिदमआ गोरोन्थियै इन्टरेक्सन रेजिस्टार खालामनाय जानांगौ। बेनि सिडव जेबो गाग्रि सान्नाय गैयामोन। आं खावलायोदि, जेबो गाग्रि सान्नाय दाजा। नोंथांमोन बुजिनानयि थाखाय गोजोन्थों।

खालामो। आं न'आवनो माखासे खामानि मावो, न' फोसाबनाय हेफाजाब होयो आरो आनि फिसाज्ला अबरमनि बिजाबफोर फरायनाय आरो बिनि आइपेडखौ आपडेट खालामनायाव हेफाजाब होयो। आं गोबां खामानि मावनाय, गोबां सान्नाय आरो खामानिफोरनिफाय खारखुमायो। आं बांसिनै मेडिएटिभ स्टेटआव थायो। शाहरुख खानआ बेखौबो मिबथि होदों बिथांआ गावनि लोगोफोरखौ खुसियै लाखियो आरो गथ'फोरजों लोगोसे गेलेयो। बेनिफ्राय बिथाडा जेबो खालामा। शाहरुख खानआ आथिखालाव गावनि फैनो गोनां सावथुन 'कि' नि थियारियाव नंथाबनानैदं। बिथाडा सावथुनाव सुहाना खानजों लोगोसे गिबि खेब स्क्रिन शेयार खालामगोन। बे सावथुना 2026 आव रिलिज जानो हागौ।

20 बोसोर उनाव सुपारस्टार महनलाल आरो शभनाआ थुडाराम सावथुनआव जयै नुजाथिदों

मालायलम सावथुन मुलुगनि सुपार स्टार महनलालनि मुंखौ सावथुन मुलुगआव जोबोद मान होनायजों लोगोसे लानाय जायो। बिथाडा बे पजिसनखौ गोबाव बोसोरनि खस्थ' खालामनाय आरो साबसिन एक्टिनि थाखाय मोन्नो हादों। बिथानि अन्सायगिरिफोरा साफ्रोमबो बिथानि गोदान सावथुनखौ नेनानै थाबाय थायो। आथिखालाव बिथानि बावैसो रिलीज जानाय सावथुन थुडारामआ सिनेमा हलफोराव दोहौ सोमजिहोगासिनो। बे सावथुनआव महनलालआ सासे इाइभारनि बिफाव होदों, जाय गावनि नख'रखौ जोबोद मोजां मोनो एबा अनो। थुडाराम सावथुनखौ जोबोद बाडाइ बाजेटआव बानायनाय जादोंमोन, नाथाय सावथुननि अपेनिआ मोजाडैनो जादोंमोन। बे अन्जिमाखौ सावथुननि बाजेटनि हिसाबै जोबोद मोजां होन्नानै गनायनाय जादों। सेकनिलकनि रिपर्ट बादिब्ला,



सावथुनआ थामथि सानसिमआव 10 कौटि रानि अन्जिमाखौ बारलानो हाबायमोन। नाथाय आथिखालाव सावथुननि रिलीज जानाया 8 सान जाबाय, अब्ला बे सावथुनआ 59.75 कौटि रानि फालांगि खालामबाय। बे गोखैथिखौ नोजोर होनानै मिर्जिथिनो हायोदि, सावथुनआ थाबैनो 100 कौटि रानि क्लाबआव बाहागो लानो हासिगोन, बेबो खालि भारतीय बक्स अफिसनिफ्रायनो। थुडारामनि सल'आ सासे सरसस्त्रा सुबुनि जिउनि सायाव बिथा खालामनाय, बिथानि अन्थाव कारआ जेब्ला मोनसे आइनारि जेंनायाव गोग्लैयो

अब्ला बिथानि जिउआ सोलायलंदों। बे इमसेनेल आरो रियेलिस्टिक सल'आ नायगिरिफोरनि गोसोखौ बोनो हादों। सावथुनआव महनलाल आरो शभनाखौ 20 बोसोर उनाव जयै नुनो मोन्दों। बिसोरनि अनगायै सावथुनआव प्रकाश शर्मा, बिनु पप्पु, फरहान फासिल, थमास मेथ्यु आरो भारतिराजा बायदि गोखों फावगिरिफोराबो दंफायो। सावथुनखौ थरुन मइदिनआ दिहुन्दों, जाय बिथाडा गिबियाव अपारेसन जाभा आरो सौदि वेल्लाक्का बायदि हिट सावथुनफोरखौ बानायखांबाय।

रिपर्टनि बायदिब्ला सावथुना नैथि सान एबा शुक्रबारखालि नख'रारि बक्स अफिसआव 7.50 कौटि रानि बिजनेस खालामदों। सावथुनि गासै बिजनेस खालामनाया 26.75 कौटि रं जाबाय। फारसेथिं रेड सावथुना नैथि सानाव 11 कौटिनिखुइ बांसिन रं आरजिदोंमोन। रेट्र

अफिसआव रेड 2 जों बादाय लायदोंमोन। बे सावथुना फावखुंगुर अजय देबगाननि सावथुनजों लोगोसेनो समान बक्स अपिसआव 19.25 कौटि रं बिजनेस खालामदोंमोन। अदेबानि नैथि सानाव रेट्र सावथुना अजय देबगाननि रेड 2 सावथुनखौ फेजेन्नायाव फेल जादों। हादों। गिबि सानाव रेट्र सावथुना नख'रारि बक्स

सावथुना मोनसे एक्सन आरो रमान्स ड्रामा सावथुन जेराव सासे गेंस्टारआ गावनि बिसिनि थाखाय हिंसानिफ्राय जानगारआव थानो थांखि लायो आरो शान्तिनयै जिउ खुंलानो नागिरो। सावथुननि सल'खौ बिथोनगिरि कार्तिकआ लिरदों।

भिराट कहलीआ मोनसे गेदेत रेकर्ड थिसन्नायनि लामायाव

गोदान दिल्ली, 3 मे: आइपिएलनि जारिमिनआव भिराट कहलीनि मुडाव गोबां रेकर्ड दङ। बिथाडा बयनिखुइ बांसिन रन लानाय एबा 50+ रन लानायनि फारियावबो जारिमिन थिसन्दों। बेबादिनो कहलीआ आरोबाव मोनसे गेदेत रेकर्ड थिसन्नायनि लामायाव दङ। जेराव बे थांखिसिम सौहैब्लानो कहलीआ डेभिड वानार्खो उनाव लाखिगोन। कहलीआ आइपिएलआव मोनसे टीमनि हेंथायै बयनिखुइ बांसिन रन लानाय रेकर्ड सोरजिनो हासिगौ। जेराव बे रेकर्डआ वानार्खनि मुडाव थिसनजानानै दङ। वानार्खनि आइपिएलआव पान्जाब क्रिसनि



हेंथायै खेब 26 मेचआव 1134 रनजों गिबिआव दङ। जेराव वानार्खनि बे रेकर्डखौ गाख्लायनोब्ला कहलीनो 51 राननिल' गोनांथि जागोन। सिएसकेनि हेंथायै कहलीआ खेब 34 आइपिएल मेचआव 37.37 जौखोन्दो आरो 125.46 स्ट्राइक रेटजों 1084 रन लाबाय। जायनि फारिआव

बिथाडा खेब 9 हाफ सेन्सुरि लादों। जायनि फारिआव बिथानि देरसिन स्करआ 90 आव थाहैंदों। बिथाडा आइपिएलआव खेबनै मोनसे हान्जानि हेंथायै 1100 नि बांसिन रन लानायनि रेकर्डबो थिसनबाय। दिल्ली केपिटेलस आरो पान्जाबनि हेंथायै बिथाडा बेबादि रन लादों।

थाइलेन्डनि हेंथायै लोगोयारि मेच गेलेनाया एएफसि एसियान काप क्वालिफायारआव भारतखौ मदद खालामगोन

गोदान दिल्ली, 3 मे: भारतनि हौवाफोरनि फुटबल हान्जाया थाइलेन्डनि हेंथायै फिफा इन्टारनेसनेल लोगोयारि मेच गेलेनायनि गेजेरजों एएफसि एसियान काप क्वालिफायारनि सिगांनो गावसोरनि गोरोन्थिफोरखौ सुद्रायनो नाजागोन। भारतआ थाइलेन्डनि हेंथायै फैगौ 4 जुनखालि थाइसेन्डनि पातुम तानिआव थानाय ताम्मासाद स्टेडियमआव लोगोयारि मेच गेलेगोन। जेराव बेनि गेजेरजों भारतआ हंकेनि हेंथायै फैगौ 10 जुनआव गेलेनो गोनां एएफसि एसियान काप 2027 ग्रुप-सि क्वालिफिकेसन मेचनि सिगांनो गावसोरनि लोरबांथिफोरखौ सुद्रायनो



नाजागोन। 127 थि फिफा रेंकिंआव जायगा आवग्रिनाय भारतआ 99 थि रेंकिंनि थाइलेन्डजों बादायनानै बे समाव गावसोरनि लोरबांथिफोरखौ मोन्दांनो हागोन आरो क्वालिफायारनि सिगांनो

हान्जायाव एसेब्लाबो सुद्रायनो हागोन। मख'नाय जायोदि, भारतआ थाइलेन्डजों दासिमआव बादायनाय खेब 26

मेचआव खेब 7 आवल' देरहादों। जेराव थाइलेन्डआ खेब 12 मेचआव देरहादों आरो गुबुन आद्रा मेचआ ड'आव थुगेदों।

बेनि थाखाय भारतआ फिफा इन्टारनेसनेल उइन्ड'नि थियारिआव गावसोरनि थियारि बादाखौ 18 मेनिफ्राय कलकाटाआव जागायगोन आरो फैगौ 29 मेखालि हंकेसिम हान्थिगोन। बैयाव थाइलेन्डजों गेलेनाय उनाव थौंजोडै ब्लु टाइगरनि हान्जाया बांलादेश आरो सिंगापुरजों ग्रुप-सिआव जायगा मोन्दों। जायनि फारिआव भारतआ जौसिन रेंकिंआव थानाय थाइलेन्डनि हेंथायै गेलेनायजोंनो बेफोर हान्जानि हेंथायै लामाखौ गोर्लेसिन खालामनो नाजागोन।

रबिन्द्र जाडेजाआ नम्बर 1 जानायनिफ्राय आगानसे जान्थायाव



गोदान दिल्ली, 3 मे: आइपिएल 2025 नि 52 थि मेचआव सिएसके आरो आरसिबिनि गेजेराव गोखों सेलेन्ज होज्लायगोनखौ मिजिथिदों। सोलिफु समाव सिएसकेनि गोखों अलराउन्डर रबिन्द्र जाडेजाआ अन्सायगिरिफोरनि नोजोरआव जर'खायै गोर्लैदों। बिथाडा आरसिबिनि हेंथायै 1 उइकेट लायोब्लानो आइपिएलआव सिएसकेनि जानानै बयनिखुइ बांसिन उइकेट लानाय बलार जासिगोन। जायनि फारिआव डावेन ब्राभ'आ गिबि मासिआव जुथायै जाडेजाजों जायगा लानानै दङ। बेबादि थासारिआव जाडेजाआ 1 उइकेट लायोब्लानो सिएसकेनि नम्बर 1 बलार जासिगोन। बे फारिआव ब्राभ' आरो जाडेजा 140-140 उइकेटजों गिबियाव आरो थामथिआव 95 उइकेटजों आर आस्विनआ जायगा मोनो। मख'नाय जायोदि, जाडेजाआ टी-20 क्रिकेटआव सिएसकेनि थाखाय 150 उइकेट आबुं खालामसिगोन। सोलिफु समाव बिथाडा बे हान्जानि जानानै 149 उइकेट लाबाय। बिथानि आइपिएलनि दिन्थिफुंनायखौ नोजोर होयोब्ला बिथाडा दासिमआव मोनब्रै हान्जाजों गेलेखांबाय। खेबनै सिजनआव बिथाडा राजस्तानजों गेलेखांनाय उनाव केरेला ब्लास्टरजों गेलेदों आरो 2011-15 नि गेजेराव सिएसकेजों बाहागो जादों।

आइजो फुटबलार अमृता शर्मानि जिउ जारिमिनआ थुलुंगा गोनां

गोदान दिल्ली, 3 मे: केमसि आरो सिखा-दाबा उनग्रानि फिसाजो महारास्ट्रनि आइजो फुटबलार अमृता शर्मानि जिउ जारिमिनआ बयनिबो गोसोआव जर'खा थुलुंगा लाबोयो। बेंगालुरुनिफ्राय लीग गेलेनानै सिनायथिनो हाजेन्नाय बरेका फुटबल नार्सारिनि गेलेगिरि अमृता शर्माआ कच भैरव दत्तनि दैदेन्नायाव फुटबलनि फोथारआव मोजां ट्रेकजों हान्थिनो लामा मोन्दों। कचआ फोरमायनाय बादिब्ला, नार्सारिनि गेलेगिरि अमृताआ फरवार्ड गेलेगिरि महरै जर'खा रोंगथि गोनां। जायनि थाखाय बिथाडा इउपिनि जानानै जुनियर के टेगरिआव मोजाडै दिन्थिफुदों। बे समाव बिथाडा खेब 57 नि बांसिन गेलेनाय मेचआव खेब 27 मेचआवनो साबसिन गेलेगिरि महरै सायख'जादों। अमृतानि बिफा नरेश शर्माआ फोरमायनाय बादिब्ला, जिउआव गाव नोगोरआव गिदिनानै केमसि आरो दाबा सुरि बायदिखौ उनहैनायनि हाबा मावो। जेराव साथाम बिब' आरो सासे बिदानि



गेजेराव उन्दैसिन अमृताआ 8 बोसोर बैसोआवनो फुटबलनि फोथारआव आगान होजेन्दों। बे समाव फिसाजोआ रांखान्थियारि जे'नायाव गोर्लैदोंब्लाबो फुटबलखौ जेब्लाबो लोगोआव लाफादों। बिथाडा गिबि खेब महरै नेसनेल मेचआव 2018 आव बाहागो जाजेन्दों आरो बेयाव गरसे गल सोदों। बेनि उनाव माथुराआव जालांनय सिनियर नेसनेल 2023 आव हान्जानि देरहानायाव जर'खा बिहोमा जगायदों आरो 2024 आव नएडाआव खुंजानाय नेसनेल

इभेन्टआव इउपिनि हान्जाजों गेलेनायाव गरब्रै गल सोनानै सायख'गिरिफोरखौ गावनि फार्से लाखिबेदों।

माद्रिद, 3 मे: आमेरिकानि आइजो गेलेगिरि कक गफआ बारम' सेम्पियन इगा स्वियातेकखौ 6-1, 6-1 स्करआव फेजेन्नानै गिबि खेब महरै माद्रिद अपेन टेनिस टुर्नामेन्टनि आइजो सिंगेल केटेगरिनि फाइनालाव सौहैनानै बिमुनि मिजिंथि लाबोदों। बिथाडा गिबि सेटआव स्वियातेकनि सांभिसखौ खेबथाम आरो नैथि सेटआव खेबनै सिफायदों। क्ले कर्टआव बेयो सेमिफाइनालनि बादायनायाव 64 मिनिटसिम सोलिदों। ब्रैथि रेंकिंनि गफआ बिमुनि बादायनायाव आर्यना सभालेन्का एबा एलिना स्वितलिनानि हेंथायै बादायनांगोन। जेराव बिसोर सानैआ फाइनालनि थाखाय



सेलेन्ज होज्लायनाय मेचआनो गफजों बादायनो मोनगोनखौ रोखा खालामगोन। हौवाफोरनि क्वार्टर फाइनालाव नर्वेनि के सफार रुडआ दानिएल मेदभेदेभखौ 6-3, 7-5 स्करआव फेजेन्दों। बिथाडा 1990 एबा बेनि उनाव जोनोम मोन्नाय गेलेगिरि महरै खेब 30 टुर लेभेलनि सेमिफाइनालाव सौहैनाय गिबि गेलेगिरि

जाबाय। जेराव बिसोर सानैनि सिगां गिबिआव खेबथाम मेच बादायनायनि खाबु मोनखांबाय। जेराव खेबफ्रोमबो मेचखौनो मेदभेदेभआनो देरहादोंमोन। रुडआ बे खेबआव फ्रान्सिस्क' सेरुनडल'जों सेलेन्जआव ओंखारगोन। जेराव दल'आ बेनि सिगां जेकब मेन्सिकखौ 3-6, 7-6(5), 6-2 स्करआव फेजेन्दोंमोन।

2026 नि एसियान गेम्सआव क्रिकेटआ जायगा मोनगोन

गोदान दिल्ली, 3 मे: फैगौ 2026 नि 19 सेप्टेम्बर- 4 अक्टबरनि गेजेराव जापाननि आइसि-नायगा एसियान गेम्सआव क्रिकेटआ जायगा मोनगोन। जेराव बेनि सोमोन्दै अलिम्पिक काउन्सिल अफ एसियाआ रोखा खालामनानै होबाय। अलिम्पिक काउन्सिल अफ एसिया आरो अर्गेनाइजिं कमिटिनि गेजेराव सावरायज्लायनायनि गेजेरजों बे गोखों थिरंथाखौ लानाय जादों। अलिम्पिक काउन्सिल अफ इन्डियानि बादिब्ला, बे थिरंथाखौ नागइया नोगोरआव जालांनय अलिम्पिक काउन्सिल आरो खुंफुं'गा आफामनि गेजेराव लानाय जथुम्मानि गेजेरजों थिरंथा लानाय जादों। जेराव क्रिकेटजों लोगोसे मिक्स मासिएल आर्टस गेलेमुखौबो बे गेम्सनि थाखाय गनायनाय जादों। एसियान गेम्सआव क्रिकेटखौ टी-20 फर्मेटआव खुंफुंनाय जागोन। अलिम्पिक काउन्सिल एसियाआ फोरमायनाय



बादिब्ला, क्रिकेटनि थावनिआ जापाननि आइसि प्रीप्रेक्सरआव जागोन। अब्लाबो बेनि थि थावनिखौ दासिमबो रोखा खालामनाय जायाखै। खोला एसियाआव क्रिकेटनि अन्सायनायखौ नोजोर होनानै बे गेलेमुनि सायाव खुंफुं'गा आफादआबो जर'खा नोजोर लाखिदों। जेराव टी-20 फर्मेटनि क्रिकेटआ 2028 नि लज एन्जिल्स अलिम्पिकआवबो जायगा मोनगोन। पेरिस अलिम्पिक 1900 नि उनाव बेयो क्रिकेटनि गिबि जायगा मोन्नाय जागोन। बेबादि

थासारिआव एसियान गेम्सआवबो मोन 41 गेलेमुफेरनि गेजेराव क्रिकेटखौबो बाहागो खालामदों। जेराव मुलुगनिफ्राय 15000 निबो बांसिन गेलेगिरिफोरनि बाहागो जाहैगोनखौ मिजिंथिदों। अलिम्पिक काउन्सिल एसियाआ एसियान गेम्सखौ खुंफुं'नो थाखाय सोलिफु समनिफ्रायनो गावसोरनि थियारिथिखौ फारफ्रोमर्थिबो नोजोर लाखिदों। जेराव क्रिकेटनि जायगा मोन्नाया एसियान गेम्स आरो अलिम्पिक गेम्सआव भारतनि मेडेल हारखौ

बांहोनो खाबु होगोन।

आसामनि गिबि हान्जाया खेल' इन्डिया इयुथ गेम्सनि थाखाय हान्थिजेनबाय

गुवाहाटी, 3 मे: आसामनि गिबि एथलीट हान्जाया खुंजानो गोनां खेल' इन्डिया इयुथ गेम्सनि थाखाय गावसोरनि हान्थिनाय अभियानखौ जगायबाय। जेराव बे गेम्सआ फैगौ 4-15 मेनि गेजेराव बिहार आरो दिल्लीआव खुंजागोन। रोंगथि गोनां गेलेगिरिफोरनि हान्जानिफ्राय आसामआ बे खेबनि गेम्सआवबो जर'खा



मिजिंथि लादों। जेराव काबाडि आरो भलिबलनि हान्जायाबो बे

इभेन्टनि थाखाय जान्जि खाफ्रदों। आसामनि नैथि बेसनि

हान्जाया जुड', सुइमिं, साइक्लिं, सेपक थाक्र आरो ढाक्कायाव बाहागो जानो थाखाय बे हान्जाआ दावबायनाय उनावनो गुवाहाटी नोगोरखौ नागारदों। मख'नाय जायोदि, गिबि खेब महरै बिहारआ खेल' इन्डिया इयुथ गेम्सखौ बान्जायनो आखाइ होजेन्दों। जेराव बे गेम्सनि इभेन्टफोरा बिहारनि दरबा नोगोरफोराव खुंजागोन।

जायनि फारिआव शुटिं, जिमनास्टिक आरो ट्रेक साइक्लिं बायदि इभेन्टफोरा गोदान दिल्लीआव खुंजागोन। आसामनि हान्जाफोरा बे इभेन्टआव गासै मोन 17 गेलेमु इभेन्टफोराव बाहागो जागोन। जायनि फारिआव आसामआ गिबि आरो नैथि मोननैबो हान्जानिफ्राय मेडेलनि मिजिंथि लादों।